

जे जां शंको आरंभमें जे नटरा मन्त्र दा इना जापुई आवाहीन,
 हे जे केई नारी जेही स्थिति वी आई जापुई (नारि नरक))
 क जे नर्तक, नटरा (नाच) ते इशक लाके भावा विभोर
 जां लोकात्मक स्थिति च पुजा जे देना ते जे भर उभले
 लंगीत ते जाका जेतेरे ही धुन की कंगरी कंगरी चली जा
 ते एक आलाकम जां गे वज्जी जेपुई)

डोगरी लोकनाच - धार्मिक ते समाजक म्हत्व

□ डॉ. सत्यपाल श्रीवत्स

एह गल्ल जग-जाहर ऐ जे साढ़े भारत देसै दी संस्कृति-धर्म प्रधान ऐ। ते पही एह गल्ल बी साफ ऐ जे इस विशाल संस्कृति दा इक प्रमुख अंग डुग्गर-संस्कृति दा बी धर्म-प्रधान होना सभावक ऐ। इना गै नेई बल्के डुग्गर संस्कृति दी भूगोलक ते इतिहासक-स्थिति ने इसी समन्वयात्मक धर्मप्रधान संस्कृति दा रूप देइयै इसी होर बी मता समृद्ध ते लोकप्रिय बनाई दिते दा ऐ।

इस धरती उप्पर शिव ते शक्ति दा प्रमुख थाहर ते है गै पर इन्दे कनै नाग देवता दे केई रूपें गी मलाइयै लग-भग सारे अवतारें दे देवी देवतें, पीर-पैगम्बरें दियें जियारतें ते दरगाएं, गुरू-दुआरें ते चर्चें-गिरजा घरें ते नेकें स्थानी देवतें दे अनगिनत-पवित्तर थाहर बी न। इस तत्थ दी लोई च जिसलै अस डुग्गर दी समृद्ध सांस्कृतक बरासत दे अति म्हत्व आहले अंग लोकवार्ता उप्पर गौर करने आं तां उसदे बक्खरे-बक्खरे प्रकारें च बी असें गी धर्म तत्त्व ल'बदे न। की जे इस लेख दा विशे-डुग्गर दे "लोकनाच-धार्मिक ते समाजक म्हत्व ऐ" इस लेई इसी इसै दायरे च रखदे होए अगें बधने आं।

लोक-नाच लोक-वार्ता दी सब थमां बड्डी ते समर्थ विधा ऐ। एह लोक नाचें दा चमत्कार ऐ जे ओह नर्तक जां नर्तकें दे हर अंग, मन, बुद्धि ते इत्थें तक जे उं'दी आत्मा च बी इक नोखी हलचल पैदा करी दिंदे न, पर कनै-कनै इनें सभनें च इक तालमेल ते अनुशासन आहिनयै बक्खरियें-बक्खरियें नेकें भाव-मुद्रें-कनै नेहा नोखा-दृश्य उपस्थित करी दिंदे न जे दर्शक बाह-बाह करी उठदे न असल च उस दियां भाव-मुद्रां ते अंग-चेष्टां गै उसदी भाशा होंदियां न जिं'दे द्वारा ओह अपने मनोभावें गी अभिव्यक्त करदा ऐ। इसै करी ते हेवलाक नांS दे इक योरोपियन लोकवार्ता विशेषज्ञ ने ठीक गै आखे दा ऐ-Dancing is the raftest of the arts, because it is no more translation or abostraction from life it is life itself नर्तक उसलै जेहडी अलौकिक नंदे दी अनुभूति करदा ऐ उस कनै उसदे दर्शक बी लग-भग उना गै नंद प्राप्त करदे न। इस थमां एह साफ होई जंदा ऐ जे नर्तक इक नेहा समर्पत साधक होंदा ऐ जिसदी तुलना अस कुसै उत्तम-कोटी दे योगी-म्हात्मा कनै करी सकने आं। लोक-वार्ता दे अति म्हत्व आहले अंग लोक-गीतें ते लोक-कथें आहला लेखा लोक-नाच बी कुसै कौम जां जाती दा बड़ा समृद्ध ते सांस्कृतक बिरसा होंदे न। 'वर्ल्ड बुक एनसाइकलोपेडिया' दे मताबक लोक-नाच कुसै जाती जां कौमा दी परम्परा कोला आवा करदे बिरसे दा बड़ा गै जरूरी हिस्सा होंदे न। जि'यां-जि'यां उस जाती दा इतिहास अगें-अगें बघदा चलदा ऐ लोकवार्ता दे बाकी अगें आहला लेखा लोकनाचें दी परम्परा बी अपने कदम-अगड़े बधांती चलदी ऐ ते जबानो-जबानी गै इक पीढी थमां दूई जां

शीराजा : अक्टूबर-नवम्बर 2007/31

रसलीला का अर्थ है
(संस्कृत) रसलीला का अर्थ है
शिव की नाच-पेश करने की प्रथा को
रसलीला का अर्थ है

* बिंदु न शिव-पार्वती का
नटराज, रासलीला, रासलीला

अगली कोल पुजदी चलदी ऐ।

जिसलै अस भारती संस्कृति दे संदर्भ च लोकनाचें दी शुरूआत दे बारे च गौर करने आं तां अनुमान लाया जाई सकदा ऐ जे इस धरती दी सृष्टि दे आदिकाल च भगवान शिव ने जेहड़ा ताण्डव नाच कीता हा असल च उससै च गै लोकनाचें ते शास्त्री नाचें दे बीड मजूद हे। ओह ताण्डव नाच बे-शक मता उग्र होने करी बिंदु डरौना हा, पर माता पार्वती ने जिसलै शिव कनै नाच करियै उस ताण्डव च अपने 'लास्य' दा संयोग कीता तां ओह खूबसूरत, सरस ते दिलचस्प बनी गेआ। ते उसदे बाद गै शिव नटराज नांस कनै ते पार्वती लास्य दी देवी दी उपाधि कनै मशहूर होई गई। की जे शिव-पार्वती दे उस नाच ने सृष्टि दे हर तत्व गी प्रभावत करियै नदियें दियै उछलदियें लैहरें च, मन्द-मन्द हवा कनै हिलदे-झुलदे रुक्ख-बूहटें च ते जंगली पशु-पक्खरुण दे उडरी-उडरी फुदकने च नृत्य मुद्रें आहली वानगी भरी दित्ती ही तां इक दिन प्रकृति दे खुल्ले वातावरण च इ'नें सभनें कोला प्रेरणा लेइयै लोक-मानस आप-मुहारा नच्ची पेआ होना। ते बस, इ'थै ते मुंड हा लोकनाचें दा बाद च जिं'दे कोला गै शास्त्री नृत्यें दी शुरूआत ते परम्परा बी चली पेई ही।

त्रेता युग च भगवान श्री कृष्ण ने बिंदरावन दे घने जंगलै च गोपियें ते ग्वालें कनै रासां रचाइयै लोक-नाचें गी बाकायदा विकसित करने दा रस्ता समझाया हा।

डा० कर्ण सिंह हुंदा दे मुताबक उ'नें रासें सिर्फ लोकनाचें ते शास्त्री नाचें गी गै प्रभावत जां प्रेरत नेई हा कीता बल्के भारती कविता, संगीत ते चित्रकला गी बी मता प्रभावत ते प्रेरत कीता हा। ओह 'विनेट्स ऑफ वृन्दावन' शीर्षक आहलिया रचना दी भूमका च इस बारे च आखदे न "He played his divine flute and performed the maharasas (Raslilas), the great dances, with the cowherd boys and girls. The entire Krishna legend has through the millenia inspired some of India's greatest poetry and music, painting and dances."²

इस कथन कोला एह तत्व साफ होई जंदा ऐ जे श्री कृष्ण दियें उ'नें रासलीलें भारती संस्कृति दे सारे अंगें गी सिर्फ प्रभावत गै नेई हा कीता बल्के उ'नें गी बाकायदा प्रेरणा देइयै उ'दे विकास आसै इक दिशा बी समझाई ही। नतीजा एह होआ जे साढ़े देसै च रासलीलें दी इक परम्परा गै चली पेई ही, जिसी अगें बधाने च व्यवसायी पारसी कम्पनियें बगैरा ने मुख्क भूमका नभाई ही ते मुमकन ऐ जे उ'दे रास कम्पनियें जां मण्डलियें कोला गै प्रेरणा लेइयै केई प्रेमियें बगैर लोभ-लालच दे रामलीलें दा बी प्रचलन करी दित्ता होऐ। ते पही इ'नें सभनें थमां प्रेरणा लेइयै लोक-मानस ने बी अपने लोक-नाचें दा होर मते चंगे ढंगै कनै विकास कीता होऐ। अज्जकल भाएं रासलीलां खेढने आहलियां व्यवसायक कम्पनियां कुतै-कुतै गै रेही गेदियां न पर रामलीलें दा प्रचार दिन-दिन बधदा गै जा करदा ऐ। केइयें ज'गे रामलीलें दे दुरान केई लोक-नाच पेश करियै रामलीलें दी होर मती रंगीनी ते शोभा बधाई जंदा ऐ।

1. World book encyclopaedia Vol. F. 7 P. 285

2. Vignettes of Vrindavan Ed. by Anne HC Dowell 2 Arvind Sharma P. foreword, Pub. by Book & Book Janak Puri, New Delhi-1987.

⊗ मकिकालम-मरुदे वृषमणि दी दीवानी मरुत वरु अरुकेदुरेयं, द्युंगरन बरुदिने ते हलधेन लडिताली लेइए रिगुलें मरुदी की ही ते ओइवी ते लोकनाम ३० गे इकरुप हाका जे उगा अरुने नोनखाले

उपर कीती दी चर्चा कोला साफ होई जंदा ऐ साढे देसै दे बाकी हिस्सें आहला-लेखा डुगगर दे मते सारे लोकनाचें दा आधार बी धार्मक आस्था ऐ। जेकर केई लोकनाचें दा समाजक म्हत्तव बी है तां ओह बी कुसै नां कुसै रूप कनै धार्मक आस्था कनै जुडे दे न। इ'यां साफ ऐ जे धर्म प्रधान-संस्कृति आहला साढा डुगगर समाज बी साढियें धार्मक आस्थें च प्रतिबिम्बत ऐ। भरतमुनि ने नाट्य शास्त्र दी रचना करियै नाट्य ते नृत्य विधा दे बारे च जेहडे नियम बनाए हे उं'दे च बी साढे धार्मक विश्वास रचे-पचे दे न। ते फही उ'नें नियमें दे आधार पर भास ते कालिदास कोला लेइयै जेहडी नाट्य-रचना दी परम्परा चली उसदे च बी धार्मक आस्था गी प्रमुखता दिती गेदी ऐ तां गै हर नाटक दी शुरूआत "नान्द्यन्ते सूत्रधार" (अर्थात् ईश्वर प्रार्थना दे बाद सूत्रधार प्रवेश करदा ऐ) इस वाक्य कोला होंदी ऐ। ⊕ ✕

✕ इस चर्चा दी लोई च जिसलै अस डुगगर च प्रचलत भेदें-उपभेदें समेत प्रचलत 22 लोक नाचें पर वचार करने आं तां इ'नें लोकनाचें चा मतें दा धार्मक म्हत्तव ते मुखर रूप कनै है गै ऐ, पर केइयें दा समाजक म्हत्तव गै मुखर ऐ। इ'दा अस खेतर, धर्म ते समाजक म्हत्तव दे स्हाब कनै इस चाल्ली वर्गीकरण करी सकने आं-

1. खेतर-फाडी-

(क) धार्मक म्हत्तव-

- 1. सोहार-लोक-नाच-दूर दराज पाडर दे लाके दा नाच
- 2. डेकू (कुडु) लोक-नाच

[सधारण डेकू ते मेलापट्ट डेकू
सधारण - (i) अखोरा डेकू
(ii) ताल जां लास डेकू
(iii) शुद्ध डेकू

- 3. घुरेई लोक-नाच

(ख) समाजक म्हत्तव-

- 1. सोहाडी लोक-नाच
 - 2. गद्दी लोक-नाच
- इसदे पंज भेद न-

- (क) सधारण गद्दी नाच
- (ख) खास सधारण गद्दी नाच
- (ग) डांगी जां घुरेई गद्दी नाच
- (घ) गिद्दा गद्दी नाच
- (ङ) समूहक गद्दी नाच (डंडारस)

- 3. गोजरा लोक नाच

2. खेतर मझाटला -

(क) धार्मक म्हत्तव : (मुखर रूप कनै)

- (i) फु'म्मनी लोक-नाच
- (ii) जागरन लोक नाच (जगराता)
- (iii) चौकी लोक नाच

चर्चा दी लोई च जिसलै अस डुगगर च प्रचलत भेदें-उपभेदें समेत प्रचलत 22 लोक नाचें पर वचार करने आं तां इ'नें लोकनाचें चा मतें दा धार्मक म्हत्तव ते मुखर रूप कनै है गै ऐ, पर केइयें दा समाजक म्हत्तव गै मुखर ऐ। इ'दा अस खेतर, धर्म ते समाजक म्हत्तव दे स्हाब कनै इस चाल्ली वर्गीकरण करी सकने आं-

मकिकालम-मरुदे वृषमणि दी दीवानी मरुत वरु अरुकेदुरेयं, द्युंगरन बरुदिने ते हलधेन लडिताली लेइए रिगुलें मरुदी की ही ते ओइवी ते लोकनाम ३० गे इकरुप हाका जे उगा अरुने नोनखाले

(ख) समाजक महत्त्व -

(i) कीकली लोक-नाच

(ii) गीतडू लोक-नाच

(iii) चाल लोक-नाच

(iv) धमच्चड़ा लोक-नाच

(v) डंडारस लोक-नाच

(vi) छज्जा लोक-नाच

(vii) हरण लोक-नाच

3. खेतर खलका -

(क) धार्मिक महत्त्व

(ख) समाजक महत्त्व

(i) भांगड़ा

(i) भांगड़ा

(ii) गिदा

इं'दी सारी तफसील इस चाल्ली ऐ-

1. (क) सोहार लोक-नाच :-

एह लोक-नाच डोडा जिले दे पाडर लाके च बड़ा मशहूर ऐ ते धार्मिक दृष्टि कनै उस लाके च इसदा बड़ा महत्त्व ऐ। अगरचे एह पूरी चाल्ली इक धार्मिक महत्त्व आह्ला नाच ऐ तां बी इसदा समाजक महत्त्व बी घट्टे नेई ऐ की जे एह उत्थुआं दे समाज दा मनोरंजन बी करदा ऐ। इक गल्ल होर जे उस लाके दी सांस्कृतिक परम्परा च किश बक्खरापन होने करी बी इस नाच कनै उत्थुआं दे समाज दा इस कनै भावात्मक सरबन्ध ऐ। धार्मिक दृष्टि कनै एह नाच पूरी चाल्ली चौण्डा देवी ते नोनी देवी गी समर्पत होंदा ऐ।

साल भर च होने आहले उत्थुआं दे 'देवार' ते 'जागर' त्यहारें दे मौकें पर एह नाच पेश कीता जंदा ऐ। 'देवार' त्यहार बसाखी दे त्यहार कोला सत्तें दिनें दे परैन्त मनाया जंदा ऐ जदके 'जागर' त्यहार नवम्बर-दिसम्बर महीनें च मनाया जंदा ऐ। की जे इ'नें त्यहारें दे मौकें पर स्थानी लोकें गी अपनी अराध्य चौण्डा ते नोनी देवियें दी अपने रीति-रवाजें दे मताबक पूजा-अर्चना करने दे कनै-कनै किट्ठे रली-मिलियै जुलूस दी शकल च नाच करदे होए इ'नें मातें दे मन्दरें च जाइयै उन्दी पूजा-राधना करियै किट्ठे बेहियै प्रीति-भोज करने दा मौका मिलदा ऐ इस लेई उ'नें लोकें आस्तै इसदा धार्मिक ते समाजक दौनें तरें दा महत्त्व ऐ।

इ'नें त्यहारें कोला किश पैहलें गै पाडर खेतर दे लिगरी, कुण्डल, सोहल ते ल्योड़ी बगैरा ग्राएं दे लोक कुसै दरम्याने थाहर किट्ठे होइयै सलाह-सूत्र करियै त्यहार मनाने आस्तै कार्यक्रम तयार करदे न। त्यहार आहले दिन कोला इक दिन पैहलें इ'नें ग्राएं दे लोक इक निश्चत थाहर किट्ठे होइयै बड़े भक्ति-भाव कनै चण्डी माता जां नोनी (नैनी) माता दे मन्दरें पासै जुलूस दी शकल च सोहार नाच करदे होए चली पाँदे न। हर आदमी घटना, ढिल्ला कुर्ता, टोपी पूर्लें दा जूता पाइयै गै उस धार्मिक जुलूस सोहार च शामिल होने दा हकदार होंदा ऐ। इसदे इलावा सारे जनें अपने-अपने लक्क इक खास ढंग कनै तयार कीती दी लाल उन्ना दी पेटी बी ब'नी लेंदे न जिसी पाडरी बोली च 'मझारन' आखदे न। उं'दा एह लबास बी पाडरी समाज दी अकासी करदा ऐ।

जुलूस दा नेतृत्व प्रधान पुजारी करदा ऐ जिन् इक हत्थै च त्रिशूल (गिरज) ते दूए हत्थ घेंटी पकड़ी दी होंदी ऐ। उसदे पिच्छें माता दा चेला चलदा ऐ। जिन् इक हत्थ कनै त्रिशूल

(गिरज) पकड़े दा होंदा ऐ दूए कनै पानी कनै भरे दा गड़बा। उसदे च 'शंगल' नांऽ दी बूटी पाई दी होंदी ऐ ते कनै उन्न लोहे दी सौंगल (तेजन) अपने लक्कै ब'नी दी लकड़ी दी पेटी च (पड्ड) उड़सी दी होंदी ऐ ते कनै गै उन्न शंगल बूटी दियां किश इक टाहलियां बी उस च उड़सी दियां होंदियां न। उसदे पिच्छै निक्का पुजारी चलदा ऐ जिसदे सज्जे हत्थै च त्रिशूल ते खब्बे हत्थै च कुहाड़ी होंदी ऐ। उन्न बी अपने लक्क उन्ना दी पेटी 'मझारन' बद्धी दी होंदी ऐ जिस च उन्न लोहे दी सौंगल बी ते शंगल बूटी बी उड़सी दी होंदी ऐ। इ'न्दे इलावा जुलूस बिच इक सहायक चेला बी शामिल होंदा ऐ, जिसदा लाब्बा बी बड्डे चले आहला लेखा गै होंदा ऐ। उस जुलूस च इक झंडा बरदार, बंसरी बजाने आहला, इक ढोली ते इक नगाड़ा (करनाह) बजाने आहला होंदा ऐ। जुलूस शुरु होने कोला पैहलें सारे साज बज्जन लगी पौंदे न ते प्रधान पुजारी द्वारा घैंटी बी बजानी शुरु होई जंदी ऐ। ते इसदे बाद "जै माता चौण्डा", "जै माता नैनी" ते "जै माता नोनी" बगैर जैकारें कनै सुहार-नाच दी बी शुरुआत होई जंदी ऐ ते उससै नाच मुद्रा कनै (Dancing Pose) जुलूस आस्ता-आस्ता अगें बधन लगी पौंदा ऐ। घैंटी दी रुन-झुन, बंसरी, नगाड़ा ते ढोले दे बज्जने दियें मधुर-मिट्ठियें धुनें कनै-कनै ते जिसलै जै-जै कारें कनै सुहार-नाथ दी मुद्रा च जुलूस अगें बधदा चलदा ऐ तां सारा वातावरण भक्ति भरोचा गै सेंही होन लगदा ऐ। जुलूस च शामिल लोक बिच-बिच स्थानी बोली च आरतियां ते भजन बी गांदे चलदे न ते कनै-अपने हत्थें गी लुआरी-लुआरी सारियें नाच-मुद्रें दा प्रदर्शन बी करदे चलदे न। रातीं दे लग-भग 11 बजे जै-जै कार करदा जुलूस माता दे मन्दर दे सामनै जाई पुजदा ऐ। उत्थें किश शरधालुएं पैहलें गै लकड़ियें दा इक तरतीबवार ढेर लाए दा होंदा ऐ। उसलै भजन, आरतियां ते जै-जै कारें दियां धुनां होर मतियां तेज होई जंदियां न। उसलै आनन-फानन च गै निक्का पुजारी छाल मारियै उस लकड़ियें दे ढेर पर चढ़ियै सुहार-नाच करन लगदा ऐ। ते बाकी लोक उस ढेर दे चबक्खै गै नचदे न। उस जगह पर चबक्खै खड़ोते दे बाकी लोग, जागत, बुड्डे ते कुड़ियां जनानियां उस नजारे दा नंद लैंदे न। उसदे झट बाद इक, देवी-भक्त आइयै उस ढेर गी अग लाई दिंदा ऐ। उस पर किश मिण्ट नच्चियै ओह पुजारी झट छाल मारियै ख'ल्ल आइयै घने जंगलै पाससै द्रौड़ी जंदा ऐ, जित्थुआं ओह लग-भग इक दो घैण्टें दे बाद इक भारी चीड़ा दी गिल्ली लकड़ी इक शतीरनुमां टुकड़ा चुक्कियै आई पुजदा ऐ ते औंदे सार गै उस लकड़ी गी उस बलदे लकड़ियें दे ढेर उप्पर सुट्टी दिंदा ऐ ते कनै आपूं बी उसदे चबक्खी नच्चन लगदा ऐ। (जिसलै ओह लकड़ी अध-जली हालती च पुज्जी जंदी ऐ तां उसदा जलदा उपरला हिस्सा लैनै आस्ते उत्थें खड़ोते दे लग-भग सभनें च अफरा-तफरी मची जंदी ऐ।) उसदे बाद सारे लोक माता दे अगें डण्डौत नमस्कार करियै ते सारे लाकें दे परोआरें दी सुख-समृद्धि आस्तै प्रार्थना करियै ते कनै अपनियां सुखना-सरीनियां चाड़ियै किट्टे होइयै मन्दर दे पुजारी द्वारा त्यार करोआए दा सादा भोजन प्रसाद रूप च खाइयै अपने-अपने घरें गी परतोई जंदे न। (इ'यां उं'दा सुहार-उत्सव सम्पन्न होई जंदा ऐ। इस थमां एह तत्थ साफ होई जंदा ऐ पाडर दे दोऐ त्यहार 'देवार' ते 'जागरा' जित्थें पाडर दे समाज लेई धार्मिक दृष्टि कनै बड़े महत्त्व आहले न उत्थें समाजिक-महत्त्व बी इं'दा घट्ट नेई ऐ।)

2. **ढेकू-नाच (कुड्डु-नाच) :-** एह नाच 'ढेकू' दे बजाय 'कुड्डु-नाच' दे नांऽ कनै मता मशहूर ऐ। असल च कुड्डु दा अर्थ किट्टा होना होंदा ऐ। की जे ढेकू-नाच दे मौकै पर नच्चने आहलें दा बी ते दर्शकें दा बी मता जम-घट होंदा ऐ इस लेई इसदा नांऽ कुड्डु बी मशहूर होई गेदा ऐ। पहाड़ी

लाके जां खेतर च एह नाच सभनें नाचें थमां सिरमौर मन्नेआ जंदा ऐ। एह नाच भद्रवाह, भलेस, डोडा, अरनास, रियासी, पंचैहरी, सुब्बाधार, वासक देहरा गाण ते मथोरा बनी बगैरा थाहरे जां ग्राएं-पिण्डें च मता मशहूर ऐ। इ'नें जगहें च सभनें धार्मिक कार्यक्रमें च इसदी भूमका सभनें लोक-नाचे थमां बद्ध होंदी ऐ। कदें-कदें अति म्हत्तव आहलें समाजक कार्यक्रमें च बी जि'यां ब्याहें दे मौकेंपर जां जागतें दे जम्मेने पर ते सूत्तरें बगैरा करने दे मौके पर एह नाच पेश कीता जंदा ऐ। उ'आं अज्ज-कल ते इसी प्हाड़ी लाकें दे इलावा उधमपुर, जम्मू कटुआ बगैरा शैहरे-नगरें च आयोजत कीते जाने आहले केई सांस्कृतिक कार्यक्रमें च बी शामिल कीता जा करदा ऐ। इन्ना गै नेई बल्के साढ़े सुतन्त्रता ते गणतन्त्र-उत्सव मनाए जाने दे मौके पर बी इ'नें गी शामिल कीता जा करदा ऐ।

✓ (जि'यां के उप्पर संकेत दिता ऐ जे एह नाच धार्मिक समारोहें दे कार्यक्रमें दे मौके पर पेश कीता जंदा ऐ। ओह धार्मिक समारोह नाग-देवता (खास करियै वासक नाग कनै सरबन्धत न) चौंदा माता, भगवान शिव, ढोल ते जलसर बगैरा लोक देवतें कनै सरबन्धत त्यहारें कनै जुड़े दे न। मेला-पट्ट दे मौके पर पेश कीते जाने आहले ढेकू नाच सुआऽ एह नाच राती दें बेल्लै गै पेश कीता जंदा ऐ।)

✓ जिस घरे च जां खु'ल्लै थाहर एह नाच पेश करना होऐ उर्थें पैहलें गै इक दरम्यानियां जगह बड़ा बड्डा ग्यान्ना बालेआ जंदा ऐ ते उसदे चबक्खे किश छिंडु पर दरियां बगैरा बछाइयै लोकें दे बौहने दा इंतजाम कीता जंदा ऐ ते ढोली बी आइयै तरकालें गै ढोल बजाना शुरू करी दिंदा ऐ तां जे दर्शक लोक आइयै पैहलें गै बेही जान। उसदे किश चिरै दे बाद घरे आहले जां देवतें दे चेले जां पुजारी बगैरा अपने इश्टदेव जां कुल देवतें बगैरा दा पूजन करियै नाच आहले थाहर आइयै सभनें गी नवेद-प्रसाद बंडियै कुड्ड नाच पाने आहले गी नाच शुरू करने आस्तै आखदे न। इसदे तुरंत बाद पंजाहें-सट्टें आदमियें दी टोली घटना, कुर्ता पाइयै ते सिरै उप्पर टोपी जां पगग ब'न्नियै त्यार होई जंदे न, ते उं'दे चा केई अपने लक्क कपड़ा बी लपेटी लैंदे न ते बाहें ते पैरें घुंघरु बी ब'नी लैंदे न। ते पही अग्गी दे चबक्खे घेरा बनाइयै खड़ोई जंदे न ते जिसलै ढोल, बंसरी, सैख नगाड़ा, मोर, चंग, छैने, पीपनी, टोटा, चिमटा बगैरा साज बज्जन लगदे न तां उस कनै गै नचने आहलें दे पैर विलम्बत गति कनै थिरकन लागी पौंदे न। शुरू च सारे उस दिन पूजे जाने आहले देवी-देवतें दे प्रति नाच दी नमस्कार-मुद्रा च गै इक दो चक्कर लांदे होई अपनी गति गी बधांदे चलदे न ते पही अपनियां नेकां नृत-मुद्रां बी बनांदे चलदे न। सारे नर्तक बड़े गै अनुशासन च लैऽ-मुद्रें च बज्जियै अपने कदम पुटदे चलदे न ते कनै बड़े अभिनयात्मक ढंग कनै अपने हत्थें गी उप्परें आहले पाससै लुआरदे चलदे न ते कनै बिच्च-बिच्च ताडियां बजाई-बजाई 'हू-हू, हो-हो' जनेहियां समूहक अवाजां बी कढदे चलदे न।

इस नाचे दियां त्रै अवस्था होंदिआं न

1. अखोरा-ढेकू- इस अवस्था च नाच दी गति बड़ी गै धीमी जां मन्द होने करी गै विलम्बत खुआंदी ऐ।

2. ताल-ढेकू (लासन ढेकू)- इस अवस्था च नर्तकें दी गति च थोड़ी तेजी आई जंदी ऐ। ओह अपनी चक्राकार स्थिति च अनुशासन बद्ध होंदे होए ते अपने पैरें दी थिरकन गी तेज करदे

होए अपने हथें दियां नेकां मुद्रां बनांदे होए उं'दे च तेजी आ'नदे चलदे न। इस च गति मन्द बी ते कनै तेज बी होंदी ऐ। उसलै नर्तक अपने नाच कनै नेहा नोखा समां ब'नी दिन्दे न जिस कनै उत्थें बैठे दे दर्शक भाव-मुग्ध होइयै बाह-बाह करी उठदे न। उसलै नचने आहले एह पंक्तियां 'ए जा तू सुबारधार मेले हो तेड़ी तेरू बाड़नू चुकेले हो' अर्थात्-सर्दी दे बाद बसन्त दे औने पर सुबार धार च नाग-देवते दे अगें मेला शुरू होई गेआ ऐ। ऐ भाई इस मेलै च आओ।

3. शुद्ध अवस्था- एह द्रुत अवस्था होने करी चरमोत्कर्ष दी अवस्था खुआंदी ऐ। इस अवस्था दे पुज्जने कनै क्या नर्तक ते क्या दर्शक सब्भै परमानन्द दी स्थिति च पुज्जियै भाव-विभोर होइयै अपने आप गी इक वर्णनातीत नशे दी हालती च मसूस करन लगदे न। उसलै सारे साज बी बड़ी तेजी कनै बज्जा करदे होंदे न। इनै च सूर्ये दियां किरणां बी चढ़दे पासेआ लशकारे मारन लगी पौंदिआं न ते नचने आहलें बिच्च जेहड़े देवतें दे चेल्ले होंदे न ओह अग्गी दे छारें च छालीं मारी-मारी टप्पियै उत्थें खड़ोते दे कण पुच्छने आहले, सुआलें दे जबाव दिंदे न ते उसदे परैन्त सब नवेद प्रसाद लेइयै अपने-अपने घुरें गी परतोई जंदे न।

ढेकू नाच दा दुआ भेद ऐ 'मेला पट्ट ढेकू' अर्थात् कपड़े दे मेले आहला (जां सरबन्धत) ढेकू नाच। एह नाच सिर्फ भद्रवाह नगरै दे खक्खल म्हल्ले दे मदान च श्री कृष्ण-जन्माष्टमी दे बाद भद्रवाह दे पूर्व-दक्खन पाससै स्योज धारा दे कोल बास कुण्ड दी जातरा दे बाद औने आहली प'ज्जमी तिथि कोला लेइयै गै अगले त्रै दिन आयोजत कीता जंदा ऐ। मुगल बादशाह अकबर ने भद्रवाह दे नाग पाल राजा गी उसदे द्वारा इक चमत्कार दस्सनै पर खुश होइयै जेहड़े रंग-बरंगे अनसीते कपड़े दिते हे उ'नें गी इक पित्तलू दी गागरी दे चबक्खे लपेटियै इक चेला खक्खल मदानै च आइयै जिसलै चक्राकार स्थिति च नचन लगदा ऐ तां उसदे चबक्खे घेरा बनाइयै खड़ोते दे पंजाह सट्ट जनें बी ढोल बगैरा दे साज बज्जने पर ढेकू नाच शुरू करी दिंदे न। दूए ढेकू कोला इस ढेकू च फर्क इन्ना गै ऐ जे ओह जरूरत दे मताबक केइयें जगहें रातीं बेल्लै अग्गी दा ग्यान्ना बालियै उसदे चबक्खी अयोजत कीता जंदा ऐ। पर मेला पट्ट ढेकू सिर्फ खक्खल म्हल्ले दे मदानै च दिनें ते राजा नागपाल दे उ'नें इनामी कपड़े गी पित्तलू दी गागरी गी लपेटियै चेल्ले द्वारा सिरै उप्पर चुक्कियै नचने पर उसदे चबक्खी अयोजत कीता जंदा ऐ ते इसदा समां बी दौं-त्रौं घैण्टें कोला मता नेई होंदा ऐ। हां, इसदा अयोजन त्रै दिन जरूर चलदा रौंहा ऐ। एह ढेकू नाच पैहली किस्मा दे ढेकू नाच कोला मता सादा होंदा ऐ। एह नाच वी भद्रवाह दे लोकें दियें धार्मिक आस्थें कनै सरबन्धत ऐं। इससै करी राजा नागपाल दे ओह कपड़े (पट्ट) उत्थुआं दे पवित्तर देवस्थान जां मन्दरै च गै सांभी-संभाली रक्खे जंदे न ते मेले आहले दिन कोला इक हफता पैहलें उ'नें गी लेइयै नचने आहला चेला वर्त रक्खियै सिर्फ दुद्ध पीयै गै गजारा करदे होई अपना नियम नभांदा ऐ।

3. घुरेई लोक-नाच : एह नाच बी धार्मिक ते समाजक दौनें दृष्टियें कनै फ्हाड़ी लाकें दे समाज लेई अपनी अहम् भूमका नभांदा ऐ। एह लोक-नाच होंदा ते ढेकू आहला लेखा गै पर एह सिर्फ सुहागनी जनानियें द्वारा गै पेश कीता जंदा ऐ। इस दा सरबन्ध 'कनचौथी' दे त्यहारै कनै ऐ। इस रोज सुहागनी जनानियां अपने पतियें दी लम्मी उमर ते तन्दरुस्ती आस्तै बर्त रखदियां न ते शैल बंद्धे टल्ले लाइयै माता पार्वती दा पूजन करदियां न पही इक दूई कनै

गलें मिलियै ते घै दे बुजुर्गे गी मत्था टेकियै किट्टियां होइयै घुरेई गीत गाई-गाई नचदियां न। उं'दे च इक जनानी ढोलकी बजांदी चलदी ऐ ते उसदियें धुनें दे मताबक नचने आहलियां अपनियां मुद्रा बदलदियां जंदियां न। केई बारी भुज्जां पाससै अपने सिर झुकाइयै नमस्कार दियां मुद्रां बनादियां न उं'दी ओह नमस्कार धरती माता दे प्रति होंदी ऐ, ते पही चक्राकार स्थिति च पुज्जियै नचदियां न। (उसलै उं'दी नाच-स्थिति चरमोत्कर्ष च होंदी ऐ, जिसी दिक्खने आहलियां बुजुर्ग जनानियां ते जागत, कुड़ियां ते उत्थें मर्द होन तां ओह बी परमानन्द अनुभव करदे न। उसलै नचने आहलियां बी ते दिक्खने आहले बी खूब ताड़ियां बजांदे न ते पही आस्ता-आस्ता धीमी गति पर पुज्जियै नाच सम्पन्न करदियां न।)

(इस नाच दे बारे च कीती दी चर्चा कोला साफ होई जंदा ऐ जे इस नाच दा धर्म कनै सरबन्ध होंदे होई बी दिक्खने आहले दे मनोरंजन दा साधन होने करी इसदा समाजक महत्त्व बी घट्ट नेई ऐ।)

(ख) 1. लोक नाच सोहाड़ी (सुहाड़ी) : एह लोक-नाच पूरी चाल्ली समाजक महत्त्व आहला ऐ ते कनै इसदा सरबन्ध फसल कटाई दे बाद उसदी पुनाई सफाई कनै ऐ। अगरचे एह नाच जम्मू संभाग दे फ्हाड़ी लाकें च मता प्रचलत ऐ तां बी डोडा जिले दे भद्रवाह, भलेस भालड़ा, किशतवाड़, ठाठरी, देसा बगैरा लाकें च मता प्रचलत ऐ। एह नाच इस गल्ला दी बी तसदीक करदा ऐ जे फ्हाड़ी लाके दा समाज अपनी फसला दी कटाई दे बाद पुनाई ते गाही मौकै की जे मता प्रसन्न ते खुश होंदा ऐ इसलेई नाच ते मनोरंजन कनै अपने अन्न गी संभालदा ऐ। इस नाच आहले दिन कोला केई रोज पैहलें इ'नें लाकें दे लोक फसला दी कटाई करियै उसदे पूले जां भरियां बनाइयै कुसै खु लिलिया जगह जि'यां अंगन जां खलाड़े बगैरा च सुक्कने आस्ते खलारी दिंदे न। जिसलै ओह सुक्की जाऽ तां मर्द ते जनानियां बक्खरियें-बक्खरियें टोलिएं च बंडोइयै इक दूए दे सामने खड़ाई जंदे न।

उ'नें अपनियें बाहीं च घुंगरू बद्धे दे होंदे न ते हत्थें च बड़ियां लम्मियां-लम्मियां छिनियां लेदियां होदिआं न। उसलै "सोहाड़ी सेइयो रामा" एह पंक्तियां उच्चारण करने दे कनै गै बड़े अनुशासनात्मक ढंग कनै इक-साथ अपने कदम कदें अगें बधाइयै ते कदें पिच्छें अपनियें-अपनियें छिनियें (लाठियें) गी फसला दे उ'नें पूलें ते भरियें उप्पर जोरें कनै चोट मारदे ते मारदियां न ते हा, हा, बगैरा गी ध्वनि कडढदे न (उं'दे पैर ते छिनियें आहले हत्थ इक साथ अगें हरकत करदे होई बड़े सुहावने लगदे न। उं'दा सारा अंदाज नाच-मुद्रा दा होंदा ऐ। भाएं उं'दे नाच दी तकनीक बड़ी सादी ते सरल होंदी ऐ पर तां बी उं'दियें बाहीं बद्धे दे घुघरुएं दी बाज, सोहाड़ी गीतें दी सुरीली अवाज ते फसला दे पूलें-उप्पर इक्के नेहियें चोटें कनै निकलने आहलियें धुनें कनै इक नोखा समां बज्झी जंदा ऐ ते फसल कुट्टने च हिस्सा लैने आहले बी ते कोल खड़ोते दे सारे खुशी दा अनुभव करदे न।)

(एह सोहाड़ी नाच गुजरात राज्य दे सौराष्ट्र ते जूनागढ़ प्रदेश दे 'तपनी नाच' कनै बड़ा मिलदा-जुलदा ऐ। एह भाएं इक संयोग होऐ ते भाएं उस प्रदेश दे साढ़े राज्य कनै पराने सरबन्धें दा प्रतीक।)

2. गद्दी लोक नाच :- जम्मू-कश्मीर राज्य जम्मू संभाग च गद्दी जाती भाएं बकरवाले ते गुज्जरे आहला लेखा घुमकड जरूर ऐं पर नां ते पूरी ते नां गै अदधी खानाबदोश ऐ। गद्दियें दियां फ्हाड़ी लाके च बाकायदा जमीनां ते घर-कोठे होंदे न। ई'दी बस्सोआं भद्रवाह, भलेस ते चम्बा हिमाचल दे भरमौर बगैरा लाके च ऐ।

जिसलै एह लोक सर्दियें च अपनियां भिड्डा लेइयै मदानी लाके च आई जंदे न उसलै बी ई'दे परोआरें दे जनें चा इक दो जनें जरूर अपने घरें ते जमीना दी फ्हाजी आस्तै पिच्छें रेही जंदे न। एह लोक नचने, गाने-बजाने ते बंसरी बजाने दे बडे शकीन होंदे न। ई'दे लोक-नाच गी 'गद्दी लोक-नाच' आक्खेआ जंदा ऐ। इसदे पञ्ज भेद न, जिं'दे च किश धार्मक म्हत्त्व आहले ते किश समाजक म्हत्त्व आहले न। एह इस चाल्ली न :-

समाजक म्हत्त्व आहले नाच :-

1. सधारण
2. खास सधारण
3. गिद्दा

धार्मक म्हत्त्व आहले :

1. धुरेई (इसी ओह डांगी नाच बी आखदे न)
2. समूहक जां डंडारस गद्दी लोक-नाच
(एह धार्मक म्हत्त्व दा बी है ते समाजक म्हत्त्व दा बी)

तफसील

(क) सधारण - गद्दी लोक इस नाच गी अयोजत करने आस्तै खु'ल्ले मदान च किट्टे होई जंदे न। सब थमां पैहलें दो जां त्रै गद्दी अगें आइयै अंजली (ऐंजली) लोक-गीत गाना शुरू करदे न। ते इसदे झट बाद मते सारे गद्दी अगें आइयै नचन लगी पोंदे न। अंजली (ऐंजली) गाने आहलें गी 'बन्दे' आक्खेआ जंदा ऐ। उ'ऐ ढोल ते बंसरियां बगैरा साज बी बजांदे न (जिसलै ऐंजली गीतें दी सुरीलियें तानें कनै ते ढोल बंसरियें बगैरा साजें कनै नाच होआ करदा होंदा ऐ उसलै इक नोखा ते मनमोहक नजारा उपस्थत होई जंदा ऐ। साफ ऐ जे एह नाच पूरी चाल्ली समाजक म्हत्त्व आहला ऐ।)

(ख) खास सधारण - दूए किस्मा दा एह सधारण नाच पैहलें आहले कोला काफी बक्खरा इस लेई होंदा ऐ की जे एह गद्दी ते उं'दियां गद्दनां रली-मिलियै पेश करदे न। भाएं गद्दी दियां नृत्त मुद्रा, लै-ताल ते भाव-भंगिमां उं'दे गद्दियें कोला बिंद बक्खरियां ते कोमलता भरोचियां होंदियां न पर फ्ही बी उं'दी शोभा च नखार गद्दियें दियें नृत्त-मुद्रें ते तालें कनै गै औंदा ऐ। इस नाच दी सब थमां खास विशेषता एह ऐ जे इस बिच अनुशासन ते बाकायदगी दी बडी सख्त पाबंदी बर्ती जंदी ऐ। एह नाच बी पूरी चाल्ली समाजक हुंदा ऐ।

(ग) घुरेई नाच (डांगी) - इसदा आम नांs ते 'घुरेई नाच' ऐ पर गद्दी लोक इसी 'डांगी नाच' आखदे न। एह नाच बी आम 'घुरेई नाच' आहला लेखा 'कनचौथ' कनै सरबन्धत ऐ ते गद्दी बी आम प्हाड़ी प्रदेशों दी हिन्दू जनानियें आहला लेखा 'कनचौथ' त्यहार मनाने दे मौकें पर 'घुरेई गीत' (गद्दी बोली च)गाई-गाइयै 'घुरेई नाच' पेश करदियां न (आम घुरेई कोला इस बिच सिर्फ इन्ना फर्क ऐ जे गद्दी शुरू थमां अर्द्ध-चक्राकार जां पूर्ण-चक्राकार च गै इसी पेश करदियां न ते कनै उं'दियें मुद्रें च बी थोड़ा फर्क होंदा ऐ। अनुशासन ते बाकायदगी दी बी इस च पूरी पाबन्दी बर्ती जंदी ऐ। डॉ० गौतम व्यथित दे मताबक 'घुरेई' लोकनाच 'कनचौथ' त्यहार दे इलावा ब्याह-शादियें ते जातरें दे मौकें पर बी पेश कीता जंदा ऐ-)

(घ) गद्दी गिद्दा लोक-नाच - गद्दी-गिद्दा लोक-नाच गद्दियें द्वारा पेश कीता जंदा ऐ ते एह लग-भग पंजाबी गिद्दे दी गै नकल सेही होंदी ऐ। फर्क सिर्फ नाच मौकें बोली जाने आहलियें बोलिएं दा गै होंदा ऐ। की जे गिद्दे नाच दा रम्भ पंजाब दी मालवा वैल्ट च होआ हा इसलेई एह तैs-शुदा गल्ल ऐ जे एह पंजाबी नाच ऐ। घुमकड़ गद्दी जाती नै इसदी नकल करियै गद्दी गिद्दे दा अविश्कार कीते दा ऐ।

इस नाच दे बारे च केई विद्वान् शंका करदे न जे गिद्दा ते पंजाबी औरतें दा नाच ऐ इसलेई 'गद्दी गिद्दा' होई गै नेई सकदा ऐ पर डॉ० गौतम व्यथित दे मताबक गिद्दियें दियां गद्दी बी गिद्दा नाच अयोजत करने च माहर न भाएं उं'में पंजाबियें दे प्रभाव कनै गै एह नाच सिक्खेआ होऐ।

(ङ) समूहक गद्दी-नाच जां डंडारस गद्दी-नाच - एह नाच सभनें किस्मा दे गद्दी नाचें च सिरमौर थाहर रखदा ऐ। इस बिच सिर्फ मर्द गै हिस्सा लेंदे न। एह नाच चूके धार्मक ते समाजक दौनें किस्मा दे उत्सवें जां खुशियें आहले मौकें पर पेश कीता जंदा ऐ इसलेई इसदा धार्मक म्हत्त्व बी है ते समाजक बी। इस नाच दे मौके पर ढोल, नगाड़ा, बंसरी ते शहनाई बगैरा साजें दा प्रयोग कीता जंदा ऐ (इसदी शुरूआत ढेकू आहला लेखा गै बड़ी मन्द गति ने होंदी ऐ पर बाद च तेजी आई जंदी ऐ। नचने आहलें दे हत्थें पैरें दी गति ते मुद्रें च बड़ा ताल-मेल ते पूरी समानता होंदी ऐ।)

उं'दे पैरें दी थिरकन ते हत्थें दियें मुद्रें च बड़ा तालमेल होंदा ऐ। अर्थात् इक साथ गै हत्थ उठदे न ते थल्लै पाससै पौंदे न ते पैर बी इक साथ गै उप्पर उट्टियै इक साथ 'थप्प' जनेह शब्द कनै थल्लै-पाससै गी पौंदे न। इस नाच च हिस्सा लैने आहले गी अपने लाब्बें दे निजम अर्थात् Dress Code दा बी पूरी चाल्ली पालन करनै पौंदा ऐ। नचने आहलें गी कोई नां कोई चांदी दा गैहना बी धारण करना पौंदा ऐ।)

जिसलै एह नाच अपनी चरम सीमा उप्पर पुजदा ऐ। उसलै साजें च बी तेज गति आई दी होंदी ऐ नर्तकें दे हत्थें-पैर च बी बड़ी गति आई जंदी ऐ।)

की जे एह नाच भगवान् शिव, दुर्गा माता ते स्थानी लोक-देवतें अगें प्रार्थना ते पूजा-अर्चना ते तौर पर बी पेश कीता जंदा ऐ ते ब्याह-शादियें दे मौकें पर बी ते जागत जम्मेने दे मौके पर बी पेश कीता जंदा ऐ इसलेई इसदा धार्मक बी ते समाजक म्हत्त्व बी होने करी दोहरा म्हत्त्व ऐ।)

3. गुज्जर लोक-नाच

स्हाड़ी रियास्ता च गुज्जर कौम ने अज्जकल अपनी चंगी पन्छान बनाई लेदी ऐ। हून गुज्जर लोक पैहलें आहला लेखा खान्ना-बदोश नेई न भाएं किश डेरे इस गल्ला दा अपवादा बी न जि'दे डेरे अजें बी गर्मियें च फ्हाड़ी लाकें च चली जंदे न ते सर्दियें च मदानी लाकें च आई जंदे न। जि'नें गुज्जर परोआरें अपने स्थायी निवास मदानी लाकें च बनाई लेदे न उं'दे बच्चे पढी लिखियै नौकरी बी करा करदे न। इ'यां शिक्षा दे औने कनै इ'न्दी जीवन शैली च बी परिवर्तन आवा करदा ऐ। की जे इ'दा परम्परा कोला आवा करदा रैहन-सैहन ते खान-पीन बगैरा अपने ढंग दा ते बक्खरा ऐ।

✕ इस लेई इ'दी सांस्कृतिक परम्परा दी बी अपनी गै पन्छान ऐ। की जे अज्ज-कल गोजरी बोली गी आकाशवाणी जम्मू ने कश्मीर ने दूरदर्शन ने ते रियास्ती कल्चरल अकैडमी ने मान्यता देई दिती दी ऐ इसलेई हून एह बोली आस्ता-आस्ता साहित्य रूप बी लै करदी ऐ। इस कनै इ'न्दी संस्कृति दा विकास होना सभावक ऐ। ✕

गुज्जर लोक जिसलै कोई बी खुशी आहला कम्म करदे न जां धार्मिक जां समाजिक उत्सव मनांदे न तां अपना गोजरा नाच जरूर पेश करदे न। इ'दा नाच भाएं बड़ा गै सादा ते सरल होंदा ते पर इसदे च इक खास किस्मा दी उमंग ते जोश जरूर होंदा ऐ। दूए लफ्जें च इस नाच च बी भांगड़ा नाच आहला लेखा गै बलबला ते तीव्रता होंदी ऐ।

इस नाच च मर्द ते जनानियां रली-मिलियै हिस्सा लैंदियां न। नचदे मौकै मर्द-गुज्जर सज्जै हत्थें च लाठियां चुक्की-चुक्की उप्पर लुआरदे चलदे न ते दूए हत्थ खाल्ली गै लुआरदे न ते बिच-बिच अपनियें लाठियें दे सिरें गी दौनें हत्थें कनै पकड़ियै बी नचदे न। उं'दियां गुजरियां अपने दोए खाल्ली हत्थ गै लुआरी-लुआरी नचदियां न। ते नचदे मौकै सारे गै "बल्ले-बल्ले, हू-हू, हो-हो अल्ला हो, विस्मिल्ला हो" बगैरा बोलियें ते नारें दा उच्चारण करी-करियै वातावरण च इक खास गूंज पैदा करी दिंदे न। उसलै नच्चने आहले ते कोल खडोते दे बच्चे ते बुड्ढे-स्याने गुज्जर बी "बाह-बाह ते शावा-शावा" करदे होए झूमन लगी पौंदे न।

✕ जिसलै अस इस नाच दा विश्लेशन करने आं तां सेही होंदा ऐ जे इसदा धार्मिक म्हत्तव घट्ट ऐ जदके समाजिक म्हत्तव बड़ा मता ऐ की जे ईद मबारक जनेह त्यहारें कनै इसदा कोई सरबन्ध नेई ऐ। ✕

1. फु'म्मनी लोक-नाच- जम्मू संभाग दे मश्राटले लाकें दे धार्मिक म्हत्तव आहले लोकनाचें च फु'म्मनी लोक-नाच दा सिरमौर थाहर ऐ। एह नाच बी पाडर लाके दे सोहार लोक-नाच आहला लेखा इक जुलूस-नाच ऐ। बरीकी कनै गौर करने पर गौण रूप कनै दूआ समाजिक म्हत्तव बी सोहार नाच आहला लेखा गै ऐ। इ'यां साफ ऐ जे एह नाच धार्मिक पैहलें ते फही समाजिक म्हत्तव आहला ऐ। श्री कृष्ण जन्माष्टमी दे दूए रोज औने आहली नौमी, जिसी गुग्गा नौमी आखदे न, आहले दिन ते कनै पंचमी आहले त्यहारै पर ग्राएं दे लोक किट्टे होइयै जेहड़ा जुलूस कढदे न उसी गगैहल आखदे न।

इसदा सुरगल नाग, बासक नाग, गुग्गा नाग राजा मण्डलीक ते बावा कालीवीर बगैरा कुल देवतें कनै सरबन्ध रक्खने आहले सभने कार्यक्रमें दे कनै ऐ इ'ने देवतें अगें अपनियां मनौतियां ते मन्तां चाढ़ने दे मौके पर लोक मन्दरें-देहरियें जां घरें दे तौकडें थमां अपने कुल देवतें दे सौंगल-रूपें गी चौकियें च पाइयै ते बड़े आदर-भाव कनै सिरै उप्पर चुक्कियै (उं'दे चा इक जना जां चेल्ला जुलूस दे अगें नंगे पैरें चलदा ऐ) जुलूस कढदे न। उस धार्मक जुलूस च केइयें निक्के-निक्के रंगीन झंडे लेदे होंदे न। ढोल, नरसिंघा बंसरी छैनें बगैरा साज बजाने आहले बी अपने-अपने साज बजांदे होए चलदे जंदे न। उस जुलूस च शामिल श्रद्धालु लोकें च लग-भग सब्भै फु'म्मनी नाच करदे होई चलदे न ते कनै "सुरगल बाबा तेरी साम, सभने गी सुखी रक्खेओ जी" उच्चारण करदे चलदे न। की जे नाच करने आहलें दे उप्पर उठदे हत्थें दियें अंगुलियें दियां मुद्रां फुल्लें दियें खिड़दियें कलियें आंगर जां रफले दे रंग-बरगे धागें कनै कपड़े पर बनाई दियें फु'म्मनियें आहला लेखा होंदियां न इसलेई इस नाच दा नांस फु'म्मनी नाच ऐ।

जि'न्दे घरें च तौले गै जागत जम्मे दे होन उत्थें गगैहल आहले जरूर पुजदे न ते पुजदे सार गै ढोलै दे डगें कनै ते बाकी साजे दियें सुरीलियें धुनें कनै खूब फु'म्मनियां पांदे न ते चेल्ले नवजात बच्चें गी मुंढें पर चुक्कियै खूब नचदे न ते बच्चें गी शीरवादां दिंदे न (ते फही घरै आहलें थमां यथा जोग दान लेइयै जलूस आहले अगें बधी जंदे न। इ'यां ओह फु'म्मनी नाच आहला गगैहल जलूस केइयें घरें च ते ग्रां दे मोठें च फिरदा होआ वापस देव स्थान दे अगें पुज्जी जंदा ऐ। की जे इस नाच कनै आम लोकें दा मनोरञ्जन बी होंदा ऐ इसलेई इसदा धार्मक महत्त्व बी घट्ट नई ऐ।

स्व० विश्वनाथ खजूरिया होंरें उ'आं ते केई लोक-नाचें दे बारे च अपने लेख लिखे दे न पर फु'म्मनी लोक-नाच दे बारे च उं'दी खोज ते लेख सराहने जोग ऐ।

2. जागरण (जगराता लोक नाच)- इस लोक-नाच दा सरबन्ध पूरी चाल्ली धार्मक कार्यक्रमें कनै होने करी स्पष्ट ऐ जे एह धार्मक महत्त्व आहला नाच ऐ।

घरै आहले घर-परोआर जां ग्रां पदर दे कल्याण ते सुख-समृद्धि आस्तै जगराते दा आयोजन करदे न, ते जां ब्याहें च, ते जागतें दे सूत्तरें ते मूननें दे मौके पर बी जगरातें दा आयोजन कीता जंदा ऐ।

निश्चत दिनै पर स'जां बेलै जगराते आहलें दी टोली पुज्जियै गणेश, दुर्गा, शिवजी ते श्री कृष्ण भगवान बगैरा दियां मूर्तियां तस्वीरां इक उच्चि जगह पर स्थापत करियै उ'नें गी फुल्लें दियें मालें कनै सजाइयै ते उं'दे अगें घ्योऐ दी अखण्ड जोत, धूफ बगैरा धखाइयै ठीक नौ-दस बजे दे दरम्यान अपने साजें कनै बेहियै इक पूर्व-अभ्यासै दे तौर पर भजन गांदे होए उ'नें गी बजान लागी पौंदे न तां जे जगराते च शामिल होने आहले उत्थें बेल्लै सिर पुज्जी जान। जिसलै सब्भै आइयै अपने-अपने थाहर बेही जंदे न उसलै जगराता शुरू होई जंदा ऐ। जगराते च बाजा, ढोलकी, चिमटा, घड़ा, खडतालां बगैरा साजें दा प्रयोग कीता जंदा ऐ। गणेश-वन्दना दे बाद बारी-बारी

केई भेटां ते भजन गाए जंदे न बिच-बिच जिसलै नृत-ताल आहले भजन जां भेटां गाइयां जान लगदियां न उसलै टोली बिच्चा इक जना उट्टियै अपने थाहरै पर गै खड़ोइयै बड़े सात्वक भाव कनै केई नृत-मुद्रां बनाइयै नचदा ऐ। केई बारी थल्लै झुकियै ते केई बारी अपने हत्थें गी उप्पर लुआरियै अपना नाच पेश करदा ऐ। इक टोलीदार बिच-बिच लोक कथा पर अधारत हरिश्चन्द्र ते तारा दी कथ सनाई-सनाइयै ते भजन गाई-गाइयै नोखा समां ब'नी दिंदा ऐ, जिसी सुनने आहले ते नाच दिक्खने आहले पूरी चाल्ली भक्ति-भाव च डुब्बो जंदे न। इस चाल्ली जगराता बडुला होने तक चलदा रौहदा ऐ ते खीर च आरतियें कनै ते प्रसाद बंडोने दे बाद सम्पन्न होई जंदा ऐ। तुलना करने पर पता चलदा ऐ जे एह नाच बी गीतडू नाच आहला लेखा इक गीत-नाच ऐ। जेकर गीतडू पूरी चाल्ली समाजक म्हत्तव आहला ऐ तां एह पूरी चाल्ली धार्मक म्हत्तव आहला ऐ। इसदे बावजूद इंदे दौनें च एह फर्क ऐ जे जित्थें जगराते च प्रधानता भजनें भेटे दी गै होंदी ऐ इस लेई नाच दा थाहर उत्थें अक्सर गौण होंदा ऐ जे के गीतडू-नाच च गीत बी प्रधान हुंदा ऐ ते नाच दी बी प्रधानता होंदी ऐ।

3. चौकी-नाच :- एह बी धार्मक म्हत्तव आहला नाच ऐ। कंठी खेतर च इस नाच दा खासा प्रचलन ऐ। फसल त्यार होई जाने दे परैन्त लोक घरा-घरा दा अन्न गराहियै खेतरपाल दे अगें भण्डारा करदे न। इक पासै भोजन-प्रसाद त्यार होआ करदा होंदा ऐ ते दूऐ पासै सारे जनें जात-पात दा भेद-भाव भुल्लियै सामूहक नाच करदे न। जि'यां-जि'यां ढोले दे डगे जोर कसदे चलदे न उ'आं-उ'आं गै इस लोक-नाच दे नर्तकें दियें मुद्रें च ते पैरें दियें थिरकनें च बी जोश बधदा चलदा ऐ। खूब नचने दे बाद सारे खेतरपाल देवतै दे अगें सिर झुकाइयै प्रार्थना करदे न। ते पही प्रीति-भोज च शामिल होंदे न। इ'यां इस नाच दी रस्म सम्पन्न होंदी ऐ।

(ख) समाजक म्हत्तव आहले लोक-नाच :-

(i) कीकली लोकनाच :- एह नाच पूरी चाल्ली समाजक म्हत्तव आहला लोक-नाच ऐ। दूऐ लफ्जें च एह नाच मुख रूप कनै जवान कुड़ियें दा बड़ा गै दिलचस्प ते मनोरंजन आहला इक नाच ऐ।

एह नाच पेश करदे मौके कुड़ियां द'ऊं टोलियें च बंडोई जंदियां न। इक-इक कुड़ी इक टोल्ली चा निकलियै इक-इक गै दूई टोली चा निकलियै इक दूई दियें अंगुलियें च अपनियां-अपनियां अंगुलियां फसाइयै जोरै कनै पकड़ी-जकड़ियै पिच्छें पासै आकड़ियै झुकी जंदियां न ते पही बड़े नाटकी अंदाज कनै नचना शुरू करी दिंदियां न। की जे उ'नें अपनियां अंगुलियां अपनियें साथनियें दियें अंगुली च फसाई दियां होंदियां न इसलेई ओह हत्थें कनै कोई मुद्रां नेई बनाई सकदियां न। उ'दे नाच दा केन्द्र मुख रूप कनै पैरें दियें थिरकनें कनै गै होंदा ऐ। उ'दे पैरें दियां थिरकनां ते हरकतां इन्नी तेजी कनै चलदियां न जे दिक्खने आहले बी चकत होई जंदे न। की जे कदें ओह चक्राकार च घूमियै नचदियां न ते कदें अपनियें-अपनियें जगहें उप्पर गै उछली-उछली नचदियां न। नचदे मौके अकसर कुड़ियां एह गीत गांदियां न-

“कीकली कलील दी
पग मेरे बीर दी
दुपट्टा भरजाई दा
फेटे मुंह जुआई दा-बगैरा-बगैरा”

(ii) गीत नाच-गीतडू :- डुगगर च गीतडू इक शुद्ध समाजक म्हत्तव आह्ला गीत नाच ऐ। की जे इसदा रम्भ लोक-गीत कनै होंदा ऐ, इस लेई इसी गीत-नाच आखदे न। एह जम्मू संभाग दे विशाल खेतर च प्रचलत ऐ।

गीतडू-नाच आस्तै भाएं प्रमुख साज ढोलकी होंदी ऐ, पर केई बारी इसदे कनै बंसरी, थाली, किंग ते इत्थें तक जे अज्जकल ते हरमोनियम बाजे गी बी प्रयोग च लाया जान लगी पेदा ऐ।

रम्भ च गीतडू दे कलाकारें दी टोली अपने साज-बाज कनै कुसै खु 'ल्लै थाहर जां मञ्च उप्पर बेही जंदी ऐ ते गीतडू नाच करने आह्ला बी पैरें च घुंघरू ब 'नियै उत्थें पुञ्जी जंदा ऐ ते गीतडू-टप्पे जां निक्के गीत रम्भ करदा ऐ। जिसलै उसदे बाकी साथी बी साजें दियें धुनें कनै गाना शुरू करी दिंदे न, तां नर्तक इकदम उट्टियै नच्चना शुरू करी दिंदा ऐ ते इक्क टप्पे दे मुक्कने पर दूआ बी शुरू होई जंदा ऐ ते फही जिसलै साज बी बिंद मद्धम होन लगदे न तां नर्तक दी गति च बी ढिल्ल आई जंदी ऐ। जिसलै दूए गीतें दा रम्भ होने कनै-कनै साजें च तेजी औंदी ऐ तां नर्तक बी केई लैऽ मुद्रां बनांदा होआ कदें चक्राकार च ते कदें उछली-उछली नच्ची-नच्चियै ते कदें घुरमुट्टू बनाई-बनाइयै नचदा होआ दर्शकें गी भाव-मुग्ध करी दिंदा ऐ (टोली च गीतडू-नाच करने आह्ला आम-तौर पर इक्कै माहर कलाकार होंदा ऐ, पर केइयें टोलियें च दौं जा त्रै नर्तक बी होंदे न। उ'आं ते गीतडू-नाच दे केई किस्मा दे टप्पे न ते इसलेई इत्थें सारे ते पेश नेई किते जाई सकदे पर मिसाल दे तौर पर इक इस चाल्ली ऐ-)

✓ गीतडू दे नाच लोक गीत नाच आह्ला टप्पे-
'पत्तने दा ढलै बनजारा हो। सिरै पर चूड़ियें दा खारा हो।
माहिया मेरा चूड़ियां चढांदा हो। भाबो तेरा हत्थ बड़ा भारा हो।'

गीतडू-नाच दे मौकै पर गाए जाने आह्ले टप्पें ते गीतें च शंगार-रस बगैरा ते रितु-वर्णन, केई पैशें कनै सरबन्धत गीत, प्रकृति-चित्रण ते भक्ति-भाव बगैरा सारे विशें शामिल न। (डोगरी दे प्रसिद्ध कवि प्रकाश प्रेमी दा सिद्धातक पक्ख आह्ला ते बसोहली तसीला दे खजूर सिंह दा प्रयोगात्मक कम्म इस गीत-नाच दे बारे च सराहने जोग प्रयास ऐ।)

(iii) चाल लोक-नाच :- एह लोक-नाच चाल मेलै कनै सरबन्धत ऐ। हाड़ महीनै जिसलै जगह-जगह छिजें दियां कुशितयां आयोजत कीतियां जंदियां न तां केइयें छिजें दे परैत रातीं बेल्लै चाल मेले अयोजत कीते जंदे न जेहड़े पूरी रात-भर चलदे रौंहे दे न। उ'दे च केई कला प्रियें दियां टोलियां जेहड़े नाच पेश करदे न उ'ऐ चाल लोक-नाच होंदे न। भाएं ओह नाच आम लोक-नाचें आह्ला लेखा गै होंदे न पर केई बारी उ'दे च केई नाचें दा मिश्रत रूप दिक्खने च औंदा ऐ इस लेई गै उ'नें गी चाल लोक नाच आखेआ जंदा ऐ।

(की जे इस नाच कनै आम लोकें दा मनोरंजन होंदा ऐ इसलेई गल्ल साफ ऐ जे एह समाजक महत्त्व आहला नाच ऐ।)

(iv) धमच्चड़ा लोक-नाच :- एह लोक-नाच बी पूरी चाल्ली समाजक महत्त्व आहला लोक-नाच ऐ। किश बर पैहलें तक एह लोक-नाच जम्मू संभाग च बड़ा गै लोक-प्रिय हा, पर हून दिन-ब-दिन इसदी मैहमा घटती जा करदी ऐ। कारण ऐ साढ़े रीती-रबाजें उपपर पश्चमी सभ्यता दा लगातार बधदा प्रभाव। जनानियें दा एह नाच कदें जागते दे ब्याहें दे मौके पर बराती दे घरा दा विदा होई जाने दे परैत घरै आहलियां ते नाते-रिश्ते दियां जनानियां किट्ठियां होइयै घरै दे कुसै बड्डे कमरे अन्दर बारियां-दुराजे बंद करियै ते मर्दे-जागते दा प्रवेश पूरी चाल्ली रोकियै धमच्चड़ा पांदियां हियां ते अजकल सिर्फ कुतै-कुतै दूर-दराज प्रां च हून बी पांदियां न।

(धमच्चड़ा पांदे मौकै जनानियां बे-त्हाशा नचदियां ते गांदियां-बजांदियां ते केई किस्मां दियां नकलां ते हास्य-व्यंग्य भरोचे वार्तालाप करदियां हां जां जि'यां आक्खेआ समझो हून बी करदियां न। की जे एह नेआ कार्यक्रम होंदा ऐ जिसदे च मनोरञ्जन हास्य-व्यंग आहली हर चीज जां (Item) चुस्त-दुरस्त होई जंदी ऐ इससै करी इसदा नांऽ धमच्चड़ा ऐ। धमच्चड़ा पांदे मौकै जनानियां एह बोल सब थमां पैहलै बोलदियां न :-

“मुड़े दी मां नचै, नचै तमाशा दस्सै” बगैरा-बगैरा इ'नें बोलें कनै ओह ताड़ियां बजाई-बजाई खूब नचदियां न ते कोल खड़ोती दियां बाकी जनानियां खूब ठट्ठे मारी-मारी हसदियां न।

(V) डंडारस लोकनाच :- एह लोकनाच ग'बरू जागते द्वारा गै पेश कीता जंदा ऐ। हर सब्जी च आलू ते टमाटरें आहला लेखा एह नाच केइयें लोक-नाचें च अपना थाहर बनाइयै उं'दी शोभा बी बधाई दिंदा ऐ। एह नाच धार्मिक महत्त्व आहला बी है ते समाजक महत्त्व आहला बी अर्थात् जि'यां के उपपर आक्खी गै दिता ऐ जे एह सभनें जगहें पर चुस्त-दुरस्त ऐ। एह नाच बड़ा गै सुतन्न ते मुक्त सभाऽ आहला ऐ। एह हर खुशी दे मौकै पर जां धार्मिक जलूसें-उत्सवें दे मौकै पर पेश कीता जंदा ऐ। की जे एह नाच नर्तकें द्वारा केई किस्मा दे डंडे बजाने दियें मुद्रें कनै पेश कीता जंदा ऐ, इस लेई इसदा नांऽ 'डंडा-रास' अर्थात् 'डंडारस' नाच ऐ।

केइयें नाच विशेषज्ञें दा अनुमान ऐ जे एह नाच गुजरात दे 'डांडिया नाच' कोला मता प्रभावत सेही होंदा ऐ।

इस नाच आस्ते नां ते कुसै खास लाब्बे दी जरूरत होंदी ऐ ते नां गै पैहलें कुसै खास त्यारी दी गै। 15 थमां 20 जनें अपने-अपने हत्थें च दौं-ढाई फुट लम्मे डंडे लेइयै कुसै खु'ल्लै थाहर नचना शुरू करी दिंदे न। ढोले दी थाप दे कनै नचदे-नचदे ओह कदें चक्राकार च ते कदें लम्मियें कतारें च द'ऊं टोलियें दी शकला च इक दूए दे डंडें उपपर चोट करदे होई नचदे न। ओह चोट बड़ी गै कलात्मक होंदी ऐ। एह नाच दिक्खियै दर्शक ताड़ियां बजाई-बजाई बाह-बाह करी उठदे न।

(VI) छज्जा लोक-नाच-छज्जा लोक-नाच भाएं लोहड़ी जनेह धार्मिक त्यहार कनै जुड़े दा ऐ पर असल च इसदा समाजक महत्त्व बड़ा मता ऐ। अज्ज कोला कोई चाली-पंजाह बरिं पैहलें इस नाच दे प्रमुख केन्द्र जम्मू शैहरै च इसदी बड़ी गै मती लोकप्रियता ही, पर अज्ज एह लोक नाच इक किस्मा ने अपने खीरी साहें उप्पर गै ऐ। उ'नें दिनें लोहड़ी दे त्यहारें कोला लगभग 20-25 दिन पैहलें जागतें दियां टोलियां इस नाच आस्तै त्यारी शुरू करी दिंदियां होंदियां हियां। कारीगरें गी सद्दियै उ'नें गी चीरे-चराए दे बांस, अवतारी हस्तियें दियां तस्वीरा, रंग-बरंगे कागज बगैरा समान दिता जंदा हा। कारीगर बी बड़ी तेजी कनै बांस दियें लम्मियें किनजें-तीलें कनै छज्जें दे निक्के-बड्डे ढांचे त्यार करियै उ'दे उप्पर पैहलें सादे कागज ते फही रंग-बरंगे कागज चमकांदे हे ते फही अगंगें-पिच्छें अवतारी पुरशे दियां मूर्तियां-तस्वीरां बी चमकाइयै दरम्यान च टल्लियें दे चीथड़ें-कागजें कनै बनाए दे मोरै गी बनकाइयै छज्जा त्यार करदे हे। केई छज्जे हौले ते केई भारे त्यार कीते जंदे हे।

लोहड़ी आहले दिन ग'बरू जागत अपनियें-अपनियें टोलियें गी कनै लेइयै उ'नें घरें च पुज्जी जंदे हे जित्थें जां ते जागतै दी ब्याह-कड़माई होई दी होंदी ही ते जां जागत जम्मे दा होंदा हा, छज्जा-नाच पेश करदे न। जिसलै ढोलिया अपने ढोले गी डगा मारदा हा उसलै दरम्यान च छज्जे आहला नचन लगी पौंदा हा जदके बाकी उसदे चबक्खै डडारस शुरू करी दिंदे हे। छज्जे आहला जिसलै कदें चक्कर लाई-लाई घूमदा हा ते कदें बिंद उछली-उछली नचदा हा तां बड़ा सुन्दर दक्ख ल'बदा हा। ढोलिये द्वारा जोरें-जोरें बजाए जाने आहले ढोलें दी बाज, डडारस आहलें दे डडें दी टक-टक दी बाज ते छज्जे आहलें दे पैरें दी थाप मिलियै इक नमीं ते नोखी बाज जां शब्द-धुन कनै बड़ा गै नोखा माहौल बनी जंदा हा जिस कनै उत्थें खड़ोते दे बड्डे-निक्के सारे गै हश-हश करी उठदे हे।

छज्जे दी टोल्ली उस घरै थमां तां तक नेई ही हिलदी जिसलै तक उ'नें गी घरै आहले चंगी रकम देइयै खुश नेई हे करी लैंदे।

एह दुखै आहली गल्ल ऐ जे हून छज्जा-नाच इक मिथक इतिहास गै बनी गेदा ऐ। इस चाल्ली साफ ऐ जे छज्जा-नाच भाएं लोहड़ी जनेह धार्मिक त्यहार कनै जुड़े दा ऐ पर इस दा समाजक महत्त्व बड़ा गै मता ऐ।

ख'लके खेत्तर दे नाच

(क) भांगड़ा लोक-नाच :-

जम्मू-संभाग दे मझाटले ते झिगड़े लाकें च भांगड़ा-नाच सभनें लोक-नाचें च सिरमौर थाहर रखदा ऐ। डुंगार च असें गी भांगड़े दे दो रूप ल'बदे न (1) पंजाबी-भांगड़ा ते (2) डोगरा-भांगड़ा। भाएं स्व० विश्वनाथ खजूरिया श्री सुरेन्द्रर गंडरगाल, स्व० रघुनाथ सम्याल बगैरा ने डोगरा-भांगड़े दा रूप-सरूप ते पंजाबी-भांगड़े कोला इसदी बक्खरी पन्थान दस्सने दी कोशश कीती दी. ऐ, पर तां बी एह मसला मतभेदें कोला मुक्त नेई ऐ। जेकर अस भांगड़े दे इतिहास दी खोज करन लगचै तां इसदी शुरूआत होने दे असली थाहरें दा पता लगगी जंदा ऐ।

लोकवार्ता दे विशेषज्ञें जिसलै लोकनाच भांगड़े दे बारे च खोज-पड़ताल शुरू कीती तां उ'नें गी पता चलेआ जे मुगल बादशाहें दे जमाने च जिसलै बुल्लेशाह, शाह हुसैन, ते सुल्तान बहु बगैरा सूफी फकीर सीमावर्ती लाकें दे रस्तै पश्चमी पंजाब दे गुजरांवाला ते बजीरांवाद बगैरा थाहरें च अपने डेरे जमाइयै आई बैटे तां उं'दे केई चेल्ले उं'दे कोल जाइयै रौहन लगे ते अपनी परानी आदत दे मताबक भंडू दा रस कडिदियै उसदी सरदैई बनाइयै अपने सूफी गुरूएं गी पलांदे हे ते आपूं बी पींदे हे। भंड पीने दे बाद जिसलै गुरू चेल्लें गी नशा चढ़ी जंदा हा तां ओह बे-त्हाशा नचन लगी पौंदे हे। की जे ओह भंडू दे नशे कनै होने आहली इक खास मस्ती च आहनियै अपने इश्ट दा ध्यान करियै नचदे हे इसलेई उं'दे उस नाच दा नांऽ पैहलें 'भंडू-रस'पेआ जेहड़ा बाद च ध्वन्यात्मक परिवर्तन कनै होंदा-होंदा भंडू रास, भंडरा, भांगड़ा बनी गेआ। बाद च समें दी तब्दीली कनै भांगड़े दा धार्मिक जुड़ाव बिल्कुल खतम होई गेआ ते भाएं भांगड़ा पूरी चाल्ली समाजक लोक-नाच बनी गेआ, पर अस इस तत्थ गी ते कदें बी नकारी नेई सकदे जे भांगड़े दा जन्म कदें पश्चमी पंजाब (हून पाकस्तान) च नेई होआ हा।

अज्ज भांगड़ा पंजाब दा सब थमां प्रमुख लोक-नाच ऐ ते बसाखी दा त्यहार औने पर ते कनै उ'नें दिनें गै कनक दी फसल त्यार होने पर पंजाबी लोग खुशी ते मस्ती च आइयै भांगड़ा पांदे न। पंजाब च भांगड़े दियां केई व्यवसायक टोलियां न जेहड़ियां अपनी बर्दी ते लाब्बे दे नियम (Dress code) दा सख्ती कनै पालन करदियां न। उं'दी बर्दी च तिल्लेदार नुक्कां, रंगदार लाचे, तिल्ले दी कढ़ाई आहलियां रंग-बरंगे कुर्ते ते बास्काटां जां फतूहियां, बीनियें उप्पर ब'न्ने आस्तै रेशमी रंग-बरंगे स्कार्फ ते रंग-बरगियां जां इक्कै रंगै दियां पगड़ियां शामिल न। एह बी ध्यान देने दी गल्ल ऐ जे भांगड़ा टोली च 15 थमां 20 नर्तक शामिल होंदे न।

जिसलै भांगड़े दी टोली सज्जी-धज्जियै खु'ल्ले मदान च ढोल, बसंरी ते तुरही, मजीरा, डफली, अलगोजा बगैरा साजें कनै चक्राकार स्थिति च आई खडोंदी ऐ उसलै ढोली अपने ढोले गी बड़ी सुहामी थाप दिंदा ऐ।

इस ध्वनि दे निकलने दे कनै-कनै गै भांगड़े दे नचेइये जां नर्तक बड़े नाटकी ढंग कनै अपने पैरें दी थिरकन शुरू करी दिंदे न। इसदे झट बाद ढोली जां इक नर्तक किश बोलियां बोलदा ऐ।

इसदे कनै गै ढोले दा जोरे दा डगा बजने दे कनै भांगड़ा नर्तकें दा जोश ते गति बी तेज होई जंदी ऐ ते ओह-'ओए-ओए, बल्ले-बल्ले, ओ, ए, हे, हा, ओ, ए, ते हा ओहो', एह ध्वनियां कडूढे होए जोरें कनै नचन लगी पौंदे न। भांगड़े-नाच च शुरू होने दे किश मिण्टें दे बाद गै पूरा जोश-खरोश आई जंदा ऐ। असल च इसदे च दो कारण न इक ते इसदी शुरूआत भंडू दा नशा करने कनै होने करी इस दे सभाऽ च गै तेजी ऐ दूई गल्ल एह ऐ जे इसदा बुनियादी चरित्तर पंजाबी होने करी बी इसदे च जोश ते तेजी होनी सभावक गल्ल ऐ।

साढ़े जम्मू संभाग च भांगड़ा कदें इक परौहने दी शकल च आया होना, पर अज्ज एह पूरी चाल्ली घरौहना गै बनी गोदा ऐ। इन्ना गै नेई इन्न अपना पंजाबी चरित्तर बी कुसै हद्द तक जींदा रक्खे दा ते डोगरा-भांगड़े दा बाना बी धारण करी लेदा ऐ। इ'यां इन्न इक सच्चे गुआंटी दी कावले-तरीफ भूमका नभाई ऐ। पर इसलै इ'यां बी सेही होंदा ऐ जे डुग्गर दे बशकारले ते ख'लके लाकें च मजूदा समें च जेहड़े भांगड़ा-नाच कीते जंदे न उं'दे च नां ते पूरी चाल्ली किश अपवादे गी छोड़ियै पंजाबी-पन ऐ ते नां गै डोगरा-पन बल्के भांगड़े दा इक मिला-जुला रूप गै ल'बदा ऐ। की जे डुग्गर दे स्कूलें, कालजें जां जम्मू विश्वविद्यालय दे यूथ-फेस्टिवलें च, पर्यटन-विभाग द्वारा आयोजत फेस्टिवलें च ते जम्मू-कश्मीर कल्चरल अकैडमी द्वारा समें-समें पर करोआए जाने आहले लोक-नाचें दे मकाबलें च जेहड़े भांगड़े-नाच पेश कीते, जंदे न उं'दे लाब्बे, साजें ते बोलियें बगैरा च नां ते पूरी पंजाबी-भांगड़े दी हूबहू नकल होंदी ऐ ते नां गै अज्ज थमां 40-50 बरि पैहलें जम्मू शैहरा दे सिटी चौक ते नैहर बगैरा थाहरें च पेश कीते जाने आहले भांगड़े दा रूप दिक्खने गी ल'बदा ऐ। हां जेकर कुतै समानता ल'बदी ऐ तां ओह होंदी ढोलियें दे थापें ते डगें च।

जित्थें तक भांगड़े दे डोगरे रूप दा सरबन्ध ऐ उस बारे च एह तत्थ ते स्पष्ट गै ऐ जे 1947 कोला पैहलें चूके जम्मू शैहरा ते रणवीर सिंह पुरा तसीला दे लाकें दा पश्चमी पंजाब दे किश शैहरें कनै बड़ा नेड़मां सरबन्ध हा जां इ'यां आक्खो जे बिल्कुल सच्चे पड़सियें आहला सरबन्ध हा, इस लेई इत्थुआं दे लोक उ'नें लाकें दे सांस्कृतक कार्यक्रमें च शामिल होने गी जंदे हे ते उत्थुआं आहले जम्मू शैहरा ते इसदे आस-पास दे ग्राएं-पिण्डें च अयोजत कीते जाने आहले कार्यक्रमें च शामिल होइयै उ'नें गी दिक्खियै उं'दा नंद लेंदे हे ते नतीजे तौर पर केई किस्में दे अदान-प्रदान होने सभावक हे। की जे भांगड़ा-नाच बड़ा आकर्शक ते झट प्रभाव पाने आहला ऐ इसलेई इसदा साढ़े राज्य च प्रवेश करियै इत्थुआं दे जन-मानस गी प्रभावत करना सभावक हा।

1947 थमां पैहलें बसाखी दे त्यहारै कोला किश दिन पैहलें जम्मू शैहरे दे सिटी चौक, रणवीर नैहरा दे हैड अर्थात् पुले दे कोल पाए जाने भांगड़े च पंजाबी-पन घट्ट ते डोगरा-पन मता ल'बदा हा। भांगड़ा पाने आहले नां ते पंजाबी भांगड़चियें आहला लेखा खास किस्में दे 'ड्रैस कोड' दा पालन करदे हे ते नां गै-पूरी चाल्ली चक्राकार च गै नचदे हे ते नां गै पंजाबी बोलियें दे बोल दुरहांदे हे। हां, भांगड़ा-ढोल हूबहू उसै चाली दा होंदा हा।

उ'नें भांगड़े नाचें च बोल्लियां, सदां ते लुआहनियां बी डोगरी च गै होदिआं हियां-उं'दे चा इक इस चाल्ली ऐ- 'हाए ओ धरमू मार लेआ। हाए ओ धरमू मार लेआ। केही रौहदी बेही, मंगदी रुट्टियें दी थेही।'

डॉ० रघुनाथ सिंह सम्याल बगैरा कवियें डुग्गर दे भांगड़चियें आस्तै अपनियां गै कवता नुमां बोलियां रची दियां हां-उं'दे चा किश इस चाल्ली न :-

भाव बी भेस बी देस बी रांगड़ा,
म्हीरपुर, जम्मूआं, नूरपुर कांगड़ा।

सोहे दी बहार ते बसोए दा भांगड़ा।

दिब्बियै ढोल बजाई जाया।

ते डोगरा देस जगाई जाया।

ते-डुग्गर दे भांगड़े दा बड़ा मिगी चाऽ

कनक बधेरी औनी रज्जी-रज्जी खाऽ

ओए हे हा, ओए हे हा।

गिद्दा लोक-नाच :-

जि'यां भांगड़ा साढ़ी गुआंड़ी रियास्त पंजाब थमां आइयै साढ़े डुग्गर दे दरम्यानी ते ख'लके लाकें दे लोकें दे सांस्कृतक जीवन दा इक महत्व आह्ला अंग बनी गोआ ऐ ठीक उ'आं गै गिद्दा लोक-नाच बी जिसदी शुरूआत पंजाब दे मालवा लाके च होई ही ते हून एह सारे पंजाब ते लग-भग सारे सांस्कृतक कार्यक्रमें च अपनी महत्वपूर्ण भूमका नभांदा ऐ। अपनी लोकप्रियता दी बजह कनै गै इन्न भागड़ें आह्ला लेखा राज्यें दी हदें गी टप्पियै अपना प्रभाव जमाया ऐ। जित्थें भांगड़ा पूरी चाल्ली मरदाना नाच ऐ तां उल्थें गिद्दा जनानियें दा लोकनाच ऐ। जेकर अस भांगड़ा लोकनाच च बड़ा जोश-खरोश ते धूम-धमाका दिक्खने आं तां उसदे ठीक विपरीत गिद्दे च असें गी कोमलता, व्यंग्यात्मक बोलियें दियां सुरीलियां तानां ते नोखी मिठास दे दर्शन होंदे न। इन्ना गै नेई बल्के गिद्दा पाने आहलियें जनानियें कुड़ियें दे अकर्शक गैहनें-टल्ले बी वातावरण गी सुहावना बनाई दिंदे न। गिद्दा पाने आहलियां जनानियां-कुड़ियां 10 थमां 16 तक होंदियां न। गिद्दा-नाच शुरू करने थमां पैहलें ओह 5-5 जां 8-8 दियें टोलियें च बंडोइयै खड़ोई जंदियां न ते बोलियां-टप्पें दे बोल बोलने दे कनै-कनै नचना शुरू करी दिंदियां न। उं'दे पैरें दी थिरकन हत्थें दियें ताड़ियें कनै जां पैरें गी उप्पर चुक्की-चुक्की ते उछाली-उछाली ल्हाने दी मुद्रें कनै होंदी चलदी ऐ।

उप्पर कीते दे सर्वेक्षण कोला स्पष्ट होई जंदा ऐ जे साढ़ी डुग्गर धरती-जित्थें इक वीर धरती ऐ उल्थें एह नेकें कलाएं ते लोकवार्ता दी समृद्ध बरासत लेई बी मशहूर ऐ, इसदे च बी लोक-नाचें दा खास थाहर ऐ।

000